

DAN LENG SANPRA HKRA HKAJA AI LAM GA MÄCHYAN NI

Message Twelve

Asak A Märe Hku Nna Yerusalem Märe Nnan Byin Wa Na Mätu Asak Hta Ning Ngai Ai Hku Nna Awngdang Ai Asak Hkrung Lam Hpe Asak Hkrung Ai Lam

Htina chyumdaw; - Rom. 5:10, 17, 21. 14:17-18, Mrk. 4:26-29, Luk. 17:21, Mat. 24:14.

I. Jet ai Hkristu a asak hkrung lam gaw awngdang ai wa a asak hkrung lam hku nna, ga shäka ningna hta rawng ai awngdang ai ni yawng gaw, chyēju hte ding hpring ai lam a chyēju kumhpa hpe nhpaw n-ya sutsu hkra lu la let asak hta ning ngai ai Hkawhkam ni rai ra nga ai. Rom. 5:17.

A. Kārai namman chya da ya ai myihtoi ni hte hkinjawng agyi ni hku nna anhtē gaw mung Hkawhkam ni rai nga nna, Kārai Kāsang hpe, Mädu a hpyen ni yawng a ntsa anhtē hta, anhtē hku nna ning ngai shāngun nga ai. Ga shäka ningnan hta rawng ai kamsham ai ni gaw Kārai Kāsang a yaw mäsing hta Hkawhkam ni, hkinjawng agyi hte myihtoi ni a shingdaw ai lam ngut kre hpring tsup ai lam rai ra nga ai.

1. Ga shäka ningnan hta kamsham ai ni yawng gaw Hkawhkam ni hte hkinjawng agyi ni tai na mätu hkye hkrang la hkrum ra nga ai. Hkinjawng agyi ni gaw Kārai Kāsang a mätu ga shāga ai shāloi, shanhtē gaw Kārai Kāsang a ga shāga ai ni, Kārai Kāsang a ga shāga ai kawk byin wa nna, ndai ni gaw myihtoi ni rai ma ai. 1Pet. 2:5, 9, Shr. 1:6, 20:6, 22:3-5, 1Kor. 14:12, 24-25, 31.

2. Myihtoi htoi ai lam (Hkristu hpe mäsha law law a kätä de tsun shāpraw ai lam) gaw anhtē hpe awngdang ai ni tai shāngun ai. Myihtoi htoi ai lam gaw awngdang ai ni a bungli gälaw ai lam rai nga ai. kǎji 4a, 1Pet. 4:10-11, Kas. 5:20 hte mätsing 2.

B. Anhtē gaw anhtē Hkristan asak hkrung lam hta Hkawhkam mädang de du wa ai lam nnga yang, anhtē gaw htap htuk ai mädang hta naw yawm nga ai. Anhtē gaw Hkristu hpe kǎbu gǎra ga ai ngu tsun lu ai. Raitim anhtē hta kǎde dǎram mädang du hkra, kǎde dǎram shǎdawn shǎdang du hkra Hkristu hpe kǎbu gǎra nga ma ta?

C. Anhtē a Hkristu hpe kǎbu gǎra ai lam gaw “lep ma” mi dǎram sha tsaw nga ai. Raitim Hkristu gaw mäsat shǎdawn nnga ai. Hkristu hpe anhtē kǎbu gǎra ai lam gaw Hkawhkam aya mädang de du wa ra nga ai. Anhtē gaw chyēju gaw, anhtē hta ning ngai nga ai shǎdawn shǎdang du hkra chyēju hta chyēju kǎhtap nna

1HKAWHKAM HTE 2HKAWHKAM LAIKA NI

hkap la lu na mätu ra nga ai. Shing rai yang she anhtē gaw Kārai Kāsang a lak lak lai lai re chyēju a sut din kāja ni byin lu na rai nga ai. Hpil. 3:13, Yhn. 1:16, Rom. 5:51, 1Pet. 4:10. Ehp. 3:2.

D. Kārai Kāsang a hkum tsup ai hkye hkrang la lam gaw anhtē Hkristu a asak hta hkye hkrang la hkum nna, chyēju hte ding hpring ai lam a chyēju kumhpa nhpaw n-ya sut su ai a mārang e ndai asak hta ning ngai ai lam nga na mätu rai nga ai. Rom. 5:10, 17, 210. Ding hpring ai lam chyēju gaw Kārai Kāsang a tāra hte seng ai hkrang shaw lam lam hpe tatut hkrak rai nga ai lādat hta anhtē hpang de gun sa wa ai lam rai nga ai. Chyēju gaw anhtē a sak hkrung ai hkye hkrang la lam a mätu, yawng mahkra hkum tsup ai kārūm mādi shādaw ya ai lam hku nna Kārai Kāsang shi hkum nan rai nga ai.

II. Tengman ai chyum laika a hpang jāhtum na laika Shingran laika gaw awngdang ai ni hte seng ai laika rai nga ai. Daw 2 hte 3 hta Mādu Kārai gaw, anhtē a grau htum ai Wa Abraham a wēnyi māsa amyū rusai ni hku nna Mādu a kamsham ai ni rai nga ai anhtē hpang de htam sānit shāga ai lam hep jaw nna, Mādu a awngdang ai ni (2:7, 11, 17, 26, 3:5, 12, 21) Satan hte seng ai dumbri dumbra rai nga ai lam yawng hpe awngdang nna, (mādun; Kol. 1:17b, 18b, 10), Kārai hte seng ai yaw māsing hta awngdang ai ni (Rom. 8:37, 2Kor. 2:14) tai na mätu shāga ai lam rai nga ai.

A. Kārai Kāsang a ningmu hku yu yang māsha amyū rusai a ahkyak mādung hpan māli sha nga ai. Dai ni gaw Adam a rusai, hkumshan hte märe, Abraham a rusai (Nin. 13:16), Wēnyi hte mären Abraham a rusai (15:5, Gal. 3:7, 29) hte awngdang ai ni a rusai ni rai nga ai. Anhtē gaw anhtē a kamsham ai wēnyi hpe shāman shākyang ai hte anhtē gaw awngdang ai ni a rusai re lam ndau ra nga ai (2Kor. 4:13).

B. Shingran laika hta awngdang ai ni nnga ai sha Hkristu gaw bai yu wa na mätu lam nnga ai lam mādun da ai. Anhtē hta Hkristu gaw anhtē a lam mähkrūn re lam (Yhn. 14:6a) chye ga ai. Raitim, Mādu a myit māsin kraw kāta sunghtum ai kaw na Hkristu hta awngdang ai ni hpe shanhtē gaw Mādu a lam re lam tsun na rainga ai. Awngdang ai ni gaw Hkristu bai yu wa na mätu lam rai nga ai (Shr. 19:7-9, Shk. 45:13-14).

C. Kārai Kāsang gaw nang hpe daini awngdang ai wa tai na mätu ningngai na asak rai nga ai asak hkrung lam hpe asak hkrung shāngun na mätu shāman chyēju jaw u ga law. Ndai shingdaw nlu ai shāman chyēju gaw anhtē a kābu gāra lam

DAN LENG SANPRA HKRA HKAJA AI LAM GA MÄCHYAN NI

a mätu, anhtē kăta de tinang hkum hpe kăran kăchyan ya ai mäsum lăngai Kărai a htani htana shăman chyēju rai nga ai. Bu. 6:22-27, 2Kor. 13:14, Ehp. 1:3. Gal. 3:14.

III. Anhtē gaw Mădu Kărai a awngdang ai ni tai na mätu asak hta ning nga nga lu hkra anhtē gaw Kărai hte seng ai, Wēnyi hte seng ai, sumsing hte seng ai, Hkawhkam hte seng ai, hkaw seng hte seng ai asak hte ningnan shăngai hkrum sai re lam mu ra nga ai. Mădu Kărai gaw “Dai rai nna, Kărai Kăsang a mungdan gaw, aga ntsa e nli gat bang ai mäsha zawn rai nga ai” Mrk. 4:26, 1Yhn. 3:9.

- A. Ndai nli gaw Kărai hte seng ai asak nli rai nna, (kăji 9, 1Pet. 1:23), kamsham ai ni kăta de gat bang nhtawm, dai gaw Mădu Kărai a kăbu găra shiga mähtai hte bandung rai nga ai Kărai Kăsang a mungdan hte ndai prat na hpung (Rom. 14:17) gaw asak a mäsa lam rai nna, Kărai Kăsang a asak gaw mākru prut pru ai, kăba wa ai, asi si ai, myin kung ai hte dan la ai lam hpe byin pru wa shăngun ai lam mädi mädun nga ai (1Kor. 3:6-9, Shr. 14:4, 15-16).
- B. Kărai Kăsang a mungdan gaw Hkristu shi hkum nan rai nga ai (Luk. 17:21). Shinggyim rudi hta mäsum lăngai Kărai hku nna (Kol. 2:9) Mădu gaw Kărai Kăsang a mungdan nli, “rudi nli” rai nhtawm, Kărai a lăta la hkrum ai mäsha ni a kăta de nli gat ai hte Mădu gaw shanhtē hta kăba wa ai, shanhtē hta asak hkrung ai, shanhtē kăta kaw Kărai Kăsang a uphkang ai shingwang kăta de rawt jat wa nna dan leng ai lam nga wa lu na rai nga ai (Mrk. 4:26-29, 1Kor. 3:9).
- C. Ga shăka ning nan a shărin achyin ai lam mahkra a mi na npawt dat mäbyin gaw, mäsum lăngai Kărai gaw shinggyim rudi hkam la nna, lăta la hkrum ai mäsha ni a kăta de nli gat nna, shanhtē a kăta kaw na mungdan kăta de rawt jat kăba wa na mätu rai nga ai. Kărai Kăsang a bandung gaw Kărai Kăsang a mungdan hpring tsup hkra rawt jat kăba wa ai lam rai nga ai.
1. Kăbu găra shiga laika ni hta mungdan a rudi nli hpe gat bang ai hpe mu lu ai. Mrk. 4:13, 14, Mat. 9:35.
 2. Kăsa laika hta mungdan nli, rudi nli hpe hkap la lu ai hkying mun law ai nli gat ai ni hta ndai nli gat bang ai lam hpe law htam chyam bra shăngun ai hte shăchyam shăbra ai hpe mu lu ai. 6:7, 12:24, 19:20.
 3. Shărin shăga ai laika ni hta mungdan nli, rudi nli gaw kăba wa ai lam mu lu ai. 1Kor. 3:6,9b, 2Pet. 1:3, 11.
 4. Ndai nli hpe dan la ai lam gaw shawng ngai ai nsi hte dan la ai shingran laika hta mu lu ai. 14:4, 15-16, Mrk. 4:29. Mat. 13:39.

1HKAWHKAM HTE 2HKAWHKAM LAIKA NI

5. (Mileni) mungdan gaw hkawhkam hku nna kasha hte Mädu a rau ginrun Hkawhkam ni, “Mungdan rudi nli nga ai mäsha ni” hku nna awngdang ai ni yawng hte rau mungdan a nli, rudi a nli jähtum du hkra rawt jat kaba wa na rai nga ai. Shr. 20:6.
6. Kärai Käsang a htani htana mungdan rai nga ai Yerusalem märe nnan gaw kabu gära shiga laika hta Nazaret mäsha Yēsu a mārang e nli gat ai mungdan nli, amyu rudi nli a hpring tsup hkra nan rawt jat kaba wa ai lam rai nga ai. Shr. 21:2, 22:1, 3, 5, 5:10, 3:12, 11:15, 19:6, 20:6, Shk. 46:10.
7. Anhtē gaw mungdan kabu gära shiga tära hpe lämu ga chyam hkra de hkaw tsun nna, ndai prat hpe ngut kre hpring tsup shängun na mätu, mungdan a nli, amyu rudi nli, law htam chyam bra ai lam hte rawt jat kaba wa na mätu, Mädu Kärai hte rau längai sha rai ra nga ai. Mat. 24:14.

IV. Hkrum kädup hkam sha ai lam hta asak a ning ngai ai lam ngu ai gaw Kärai hte seng ai asak a uphkang ai npu hta nga nga ai lam hpe tsun mäyu ai.

- A. Hkristu gaw Käwa a Kärai hte seng ai uphkang lam hta nga nga nna, asak hta ning ngai ai lam nga nga ai käsi kämang rai nga ai. mädun; 8:5-13.
- B. Pawlu gaw shi a asak hkrung lam hte amu hta Kärai hte seng ai asak a uphkang ai npu hta nga ai wa längai a käsi käja rai nga ai. 2Kor. 2:12-14.
- C. Chyēju hte ding hpring ai lam a chyēju kumhpa hpe nhpaw n-ya sutsu hkra hkap la lu ai kamsham ai ni yawng gaw Kärai hte seng ai asak hta hkang reng hkrum ai hte shädawn mäsat hkrum ai lam hpe tatut shāman shäkyang ra nga ai. Mungdan uphkang ai npu hta nga ai asak hkrung lam gaw ding hpring ai, simsa ai lam hte chyoi pra ai Wēnyi hta nga ai kabu gära lam a asak hkrung lam rai nga ai. Ndai lädat hta asak hkrung ai lam gaw Hkristu hpe mäyam hku nna dawjau ai lam rai nna, dai zawn re asak hkrung lam gaw Kärai Käsang h pang de myit ra n-gun lu hpa lam hte mäsha law law hkap la hpa asak hkrung lam rai nga ai. Rom. 14:17-18, mädun; 1Kor. 12:3.

V. Tära jähprang laika hta jaw käja htap htuk ai Hkawhkam gaw shawng nnan Kärai Käsang a mungga hte shārin achyin lam mädun ai, uphkang ai, asuya hte hkrang reng hkram na re lam hpaw hpyan da ai (17:14-15, 18-20). Ndai mäsa lam gaw hpung ni hta nga ai sälang ni hte asak hta ning ngai nga na mätu ra shārawng myit mäda lam gaw anhtē yawng hta dai hte mären nan rai ra ai. (2Tim. 3:14-17).

DAN LENG SANPRA HKRA HKAJA AI LAM GA MÄCHYAN NI

- A. Hpung hpe yaw mäsing jähkrat na mätu, yaw mäsing mätsun na mätu sälang ni gaw Kārai Kāsang a mungga hte bai mähkri shawn gumhpawn hkrum ra na rai nga ai (1Tim. 3:2, 5:17). Mähtai hku nna shanhtē gaw Kārai Kāsang a uphkang ai npu hta Kārai Kāsang a up nga ai hte rengkang ai npu hta nga nga na rai nga ai.
- B. Dai shāloi, shi hte shi nan Kārai Kāsang gaw shanhtē a dawdan jähkrat ai lam ni hta nga nga na rai nhtawm, sälang ni gaw hpung a ahkyak ai lam ni hpe yaw mäsing mätsun na mätu Kārai Kāsang hpe gawng mälai tai na rai nga ai. Ndai gaw yaw mäsing mätsun ai lam hpan gaw (Democracy) (Kārai hte seng ai uphkang lam lädat) rai nga ai.
- C. Ezara hte Nehemia a woi awn ai npu hta bai wa ai Israela mäsha ni gaw Kārai Kāsang a sakse hkam ai hku nna mäsha amyū ni tai na mätu, Mädu a mungga kaw nna Kārai Kāsang a mārang e Kārai Kāsang hte rau gumhpawn ai lam bai mähkri shawn gumhpawn ai lam nga lu ai. Kārai Kāsang a mäsha ni law law hpe bai mähkri shawn gumhpawn ai la gaw, shanhtē hpe Kārai Kāsang a mungga kätä de bang ya ai hku nna shanhtē hpe hpaji shārin ya let, dai hku nna, shanhtē gaw mungga hte byawng shang hpring tsup ai lam nga wa lu na rai nga ai. Neh. 8:1-18.
- D. Kārai Kāsang a mungga gaw wēnyi hte längai sha rai nga ai (Yhn. 6:63, Ehp. 6:17). Anhtē hta Kārai hte seng ai mungga hpe shāni shāgu hti ai hku nna Kārai Kāsang a mungga gaw anhtē kätä hta bungli gälaw nna, mungga hku nna wēnyi gaw shi hte shi nan anhtē mäbyin kätä de Kārai Kāsang a dat mäbyin hte rau Kārai Kāsang a mäbyin hpe kārān kächyan ya nhtawm, anhtē hpe Kārai Kāsang hte mähkri shawn gumhpawn shāngun nga ai.
- VI. Asak hta ning ngai nga na mätu, anhtē gaw wēnyi a uphkang ai npu hta nga ra ai. Yawsep a asak hkrung lam mäsat mäsa gaw, wēnyi a uphkang ai lam hpe hpaw hpyan ai lam rai nga ai. Hpa mājaw nga yang, wēnyi a uphkang ai lam gaw kung hpan ai chyoi pra ai wa a ning ngai ai hkrang rai nga ai mājaw rai nga ai. Dai gaw asak hta ning ngai ai lam a asak hkrung lam, Kārai Kāsang a mungdan a jet ai Kārai hte seng ai asak a shādawn mäsat lam hte hkrang reng ai npu hta nga ai lam rai nhtawm, dai gaw wēnyi a kāga hkrang nsam mahkra hta grau nna tsaw ai-Rom. 5:17, 21, 14:17-18, 1Kor. 2:15-16, 2Kor. 2:13-14, 3:17-18, 2Tim. 3:22, Shr. 4:1-3.**
- A. “Yup mang ni a Mädu” Yawsep (Nin. 37:19) gaw Kārai Kāsang a ningmu hte mären, yup mang mang nna, Mädu a mäsha ni gaw asak hte hpring nga ai hkaulam mam shābawn ni hte nhtoi hte hpring nga ai sumsing hte seng ai hkum ni re lam mu lu ai (käji 5-11). Yawsep a yup mang lähkawng tup gaw (käji 7, 9) Kārai

1HKAWHKAM HTE 2HKAWHKAM LAIKA NI

- Kāsang kaw na rai nhtawm, dinghta ga ntsa hta Kārai Kāsang a māsha ni mābyin māsa, nga sat nga sa, bungli gālaw ai lam hte bandung hte seng ai Kārai Kāsang a Kārai hte seng ai ningmu hpe she hpang de hpaw hpyan ya ai lam rai nga ai.
- B. Yawsep a yup mang hta shi a asak hkrung lam hpe hkrang reng ya nna, shi a shāmu shāmawt ai lam hpe lam mādun ya ai. Shi gaw grau htum lak lai hkra, mauhpa shāmu shāmawt shānu nga ai. Hpa mājaw nga yang shi gaw shi a yupmang ni hta mu lu ai shingran hte lam mādun ya hkrum lu ai mājaw rai nga ai (mādun; Kas. 26:19). Shi a hpunau ni gaw pawt sindawng ai lam (Nin. 37:18-31) hte shanhtē a myit mārīn ai lam hpang hkan māyu ai (38:15-18) lam nga ma ai. Raitim Yawsep gaw tinang a pawt sindawng ai hpe daw grawp kau nna, shi a myit mārīn ai lam hpe laidi kau lu nhtawm (39:7-23), asak hte hpring tsup ai mam shābawn hku nna shāmu shāmaw let, tinang hkum hpe nsin hta htoi tu ai sumsing hte seng ai shāgan zawn shānu nga lu ai.
- C. Sumsing hte seng ai shingran npu hta Yawsep a asak hkrung lam gaw Mat. 5-7 hta tsun da ai sumsing ni a mungdan asak hkrung lam rai nga ai. Dai zawn re asak hkrung lam hpe asak hkrung ai hte shi gaw Hkawhkam hku nna ning ngai na mātu hpring tsup hkra hkyen lājang hkrum lu ai. Mahte laika hta rawng ai ndai daw kāba ni hta tsun da ai sumsing hte seng ai mungdan a māhkri shawn gumhpawn ai hku nga yang, anhtē a pawt sindawng ai gaw daw grawp kau hkrum ra ai. Anhtē a myit mārīn ai lam gaw awngdang laidi kau hkrum ra na rai nga ai (5:21-32).
- D. Kung hpan ai asak hkrung lam a ning ngai nga ai hkrang hpe gawng mālai tai ai hku nna Yawsep gaw Mādu Kārai a myi man hpe kābu gāra nhtawm, dai hte Mādu Kārai a ahkaw aya, nhpaw n-ya sutsu ai lam hte shāman chyēju ni hpe kābu lu ai. Nin. 39:2-5,21, 23, Kas. 7:9.
- E. Yawsep gaw shi a kāhpu ni hpang de shinggyim hkam sha lam ni hte myit māsa lam ni hpring tsup hkra nga nga timung, shi gaw tinang hkum hpe shi a hkam sha lam ni hte rau wēnyi a uphkang ai npu hta hkrang da ai. Shi gaw tinang hkum hpe nyet kau nna, tinang hkum hpe Kārai Kāsang a uphkang woi awn ai npu hta mahkra tawn da nna, Kārai Kāsang hte Mādu a māsha ni akyu ara a mātu, tinang hkum hpe hpring tsup hkra shānu nga ai. Nin. 42:9, 24, 43:30-31, 45:1-2, 24.
- F. Yawsep gaw ga shāka ningnan hta hpaw hpyan da ai lam a asak hkrung ai hkrang shāpraw da ai lam rai nga ai. Shi gaw ting gyeng akyu ara, ting gyeng kābu gāra lam, ting gyeng hkam sha lam, ting gyeng akyu yaw shāda lam (snr) ting gyeng bandung nnga ai sha ting gyeng myit hpe nyet kau ai māsha rai nga ai. Yawng

DAN LENG SANPRA HKRA HKAJA AI LAM GA MÄCHYAN NI

mäyawng gaw, Kārai Kāsang a mätu, Kārai Kāsang a mäsha ni a mätu rai nga ai. Yawsep a ting gyeng myit nyet kau ai, Kārai Kāsang a uphkanng ai npu hta shādawn mäsat hkanng reng ai lam gaw mungdan asak hkrung lam hpe tatut gälaw na mätu ahkyak mädung zaw rai nga ai. kǎji 24, Mat. 16:24, 2Hkl. 1:10, Esai. 30:15a, Hpil. 1:9, 1Tim. 5:1-2, 1Hte. 3:12, 4:9, 2Hte. 1:3, Rom. 12:10, 1Yhn. 4:9, Heb. 13:1.

G. Yawsep a chye na mätsing lu ai lam gaw, Kārai Kāsang hta shi hpe Egutu mung de shāngun dat ai lam rai nga ai. Nin. 50:20 hta shi hta shi a kǎhpu ni hpe “Nanhtē ngai hpe nhkru ai hku gaw maw myit dai, rai timung, dai ni nanhtē mu lu nga ai hte mären, mäsha law law hpe asak jǎhkrung na mätu, Kārai Kāsang dai hpe kǎja ai hku maw dat nu ai” ngu tsun wu ai (45:5, 7, 50:19-21, mädu; 41:51-52). Ndai gaw Rom. 8:28-29 hta rawng ai Pawlu a ga ajet rai nga ai. Yawsep gaw shi kǎhpu ni shi ntsa gälaw ai lam mahkra hpe Kārai Kāsang kaw na sa ai hku nna hkap la nna, shi hpe shut ai ni hpe shi gaw myit sim sa shāngun wu ai. Nin. 45:5-8, 50:15-21, shi hta chyēju kǎde, grau htum lak lai ai wēnyi nga nga a hka!

H. Anhtē gaw “Kārai hte seng ai sumtsan yu myi htawn” hpe jai lang nna, prat dingsa yu nga nhtawm, Yerusalem märe nnan hpe yu ra na rai nga ai. Dai shāra hta asak hte hpring tsup ai hkaulam mam ni hte nhtoi hte hpring ai shāgan ni hta lai nna, kǎga nnga ai. Anhtē a asak hta kung hpan ai lam nga wa mägang, chyoi pra ai ni (snr) hpung hte seng nna anhtē gaw nkǎja ai kumla hku tsun ai lam yawm mat wa mägang rai nga ai. mädu; 38:27-30, Mat. 7:1-5, 1Pet. 3:8-9.

VII. Anhtē gaw asak hta ning ngai ai lam hpe mu nna, dai bandung de du wa ra nga ai. Anhtē gaw asak hta ning ngai ai, Kārai hte seng ai asak a uphkanng ai npu hta asak hkrung nga ai shǎloi, mähtai gaw hpung asak hkrung lam hta dan leng ai jet ai, tatut rai nga ai hkumhkrang asak hkrung lam rai nga ai. Rom. 12:1-4, 9, 12, 15-18. 14:1-9, 15:1-13.

A. Hkristu kǎta de kamsham ai ni hku nna anhtē gaw Kārai Kāsang a tsawra ai kǎsha a mungdan kǎta de mung, tsawra myit kǎ-up ai asak hkrung lam hta mung shārap dat ya hkum sai rai nga ai (Kol. 1:12), hkumhkrang gaw tsawra myit hta tinang hkum hpe gawgap nna (1Kor. 8:1, Ehp. 1:4, 3:17, 4:2, 15-16, 5:2), tsawra myit gaw Hkristu a sak hkrung ai hkumhkrang rai nga ai hpung hpe gawgap na mätu hpa lam rai timung, hpa bungli hta rai timung gälaw na mätu anhtē a grau htum dik ai lädat rai nga ai.

B. Anhtē gaw Hkristu hpe tsawra nna nlu da yang, anhtē a ga shāga ai lam gaw, asak nlawm ai sha nsen sha ngoi nga ai “nsen ngoi ai pähtau” hte dum ai nsen hpe sha jaw chye ai shup sheng” zawn sha rai nga ai. kǎji 1.

1HKAWHKAM HTE 2HKAWHKAM LAIKA NI

C. Hpung asak hkrung lam gaw pälik dap nre ai zawn, tära rung mung nre sha, wēnyi kasha ni hpe shālat shāpan ai tsawra myit nta, mächyī ai ni hpe tsi shāmai ya nna, hkamja shāngun na mätu tsi rung hte kaga mäsha ni hpe tsawra myit hte shārin achyin ya ai jawng rai nga ai. Mat. 9:12, 2Kor. 11:29a, Yhn. 8:7, 10-11, 1Kor. 9:22, Luk. 15:1-7.

VIII. Anhtē gaw asak hta ning ngai ai lam nga ai shāloi, shānu nga ai Hkristu hpe, chyēju hku nna anhtē a kāta hta “htani htana du hkra” ning ngai nga shāngun na mätu ahkang jaw ai lam rai nga ai. Ndai gaw asak hta ning ngai ai lam a ngut kre hpring tsup ai lam rai nga ai. Heb. 4:16, Rom. 5:17, 21.

A. Yhn. 4:14b hta “Ngai jaw ai ntsin gaw, dai wa hta htani htana asak a mätu lwi pru ai hka hpawkw tai na ra ai” ngu tsun da ai.

B. Kāta de (Rom. 5:21 hta du hkra) gaw lam jāhtum bandung hpe tsun da ai. Htani htana asak gaw lwi nga ai mäsum lāngai Kārai a lam jāhtum bandung rai nga ai. Kāta de gaw “byin wa na mätu” (snr) “tai na mätu” ngu mung tsun mäyu ai.

C. Lwi nga ai mäsum lāngai Kārai—Kāwa gaw asak a hka htung, kasha gaw asak a hkunu hte wēnyi gaw asak a hka shi hpe kābu gāra ai hte anhtē gaw asak a märe rai nga ai Kārai Kāsang asak a gumhpawn ai hku nna Yerusalem märe byin wa na mätu chyēju nhpaww-ya sutsu ai lam hpe hkap la lu ga ai. Dai mājaw anhtē asak hta ning ngai ai lam a mäh tai hte ngut kre hpring tsup ai lam gaw Kārai Kāsang a htani htana yaw mäsing shingdaw nlu ai, jāhtum rai nga ai bandung Yerusalem märe rai ra nga ai.